



Beginning Farmer Equipment and Infrastructure Grant

Xyoo 2024 Cov Kev Thov Tswv Yim Pab

Cov ntawv thov yuav tsum xa tsis pub dhau 11:59 p.m. hnuv Thursday, lub Kaum Ib hlis tim 21, 2024

Raws li txoj cai ntawm Americans with Disabilities Act, cov ntaub ntawv ntawm no muaj ua ntau hom txhawm rau kev sib txuas lus. Thov hu rau 651-201-6000 yog xav tau cov ntawv ntawd. Cov neeg siv TTY hu tau 711 rau Minnesota Relay Service. MDA yog ib lub koom haum ua hauj lwm thiab ib lub chaw muab kev pab cuam txhawb txoj kev muaj vaj huam sib luag.

Contents

- Lub Ntsiab Ntawm Cov Nyiaj Pab Cuam3**
 - Lub zeem muag.....3
 - Cov nyiaj uas muaj.....3
- Kev Tsim Nyog Tau4**
 - Cov neeg tsim nyog tau4
 - Cov nuj nqis uas tsim nyog txais kev pab rau4
 - Cov nuj nqis uas tsis tsim nyog tau kev pab5
- Yuav Thov Li Cas thiab Lub Sij Hawm Thov6**
 - Yuav thov li cas6
 - Cov sij hawm tseem ceeb6
- Daim Ntawv Ntsuam Xyuas Kev Thov Nyiaj Pab.....8**
- Daim Ntawv Thov Cov Ntsiab Lus thiab Lus Nug9**
 - Cov ntsiab lus.....9
 - Cov lus nug ntawm daim ntawv thov9
- Kev Saib Xyuas Daim Ntawv Thov thiab Kev Xaiv.....13**
 - Cov txheej txheem ntawm kev saib xyuas..... 13
 - Kev sib cuam tshuam..... 13
 - Cov ntaub ntawv ntiag tug thiab kev txheej cov ntaub ntawv..... 13
- Cov Kev Cai Rau Cov Neeg Tau Nyiaj Pab15**
 - Kev tshuaj xyuas rau kev phom sij ua ntej tso cai txais cov nyiaj pab..... 15
 - Kev pom zoo thiab kev them ntawm qhov nyiaj pab 15
 - Lub luag hauj lwm thiab kev qhia tawm..... 16
 - Lwm yam nqe lus yuav tsum ua raws nraim 16

Lub Ntsiab Ntawm Cov Nyiaj Pab Cuam

Lub zeem muag

Qhov program Beginning Farmer Equipment and Infrastructure Grant, yog ib txoj kev pab nyiaj uas raug tswj los ntawm Minnesota Department of Agriculture (MDA), uas muab tau txog li \$20,000 rau cov neeg ua liaj ua teb tshiab rau hauv Minnesota kom tau nqis peev mus yuav cov cuab yeej thiab tsim kho tau kev ua liaj teb.

Lub hom phiaj ntawm qhov kev pab nyiaj no, yog pab kom cov neeg ua liaj ua teb tshiab hauv Minnesota no siv tau cov cuab yeej thiab tsim kho tau cov chaw ua liaj teb, txhawm rau kev vam meej ntawm lawv qhov lag luam rau yav tom ntej.

Los ntawm qhov kev pab no, cov neeg ua liaj ua teb tshiab yuav them taus:

- Cov cuab yeej liaj teb
- Kev tsim kho liaj teb xws li yuav lub qhov dej, cov khoom pab kev ywg dej, ua laj kab, muaj hluav taws xob, muaj chav txias, cov tsev ntsuab cog qoob loo, thiab lwm yam txhawb nqa rau kev ua liaj teb.

Cov nyiaj uas muaj

Cov neeg thov tuaj yeem thov nyiaj thim raws ob qib no:

- Txog li \$5,000 rau ib qho kev pab cuam me los sis
- Txog li \$20,000 rau qho kev pab cuam uas loj tshaj.

Qhov kev pab uas tsawg tshaj yuav tsum txog \$1,000.

Thov nco tseg: Cov nyiaj pab no yuav yog tau los ntawm kev thov nyiaj thim rov qab. Ib tug neeg tau nyiaj pab yuav tau siv nws cov nyiaj ntiag tug los them nws cov nuj nqis ua ntej, thiab nws yuav tau thov kev thim nyiaj rov qab nrog cov ntaub teev nws cov kev siv nyiaj ua pov thawj.

MDA npaj siab yuav muab txog li \$800,000 los txhawb lub hom phiaj no, los ntawm kev soj ntsuam thiab kev xaiv sib tw. Yam tsawg kawg, ib nrab ntawm cov nyiaj yuav muab faib rau cov kev pab cuam me.

Qhov program no tau txais kev pab nyiaj los ntawm Minnesota State Legislature.

Kev Tsim Nyog Tau

Cov neeg tsim nyog tau

Cov neeg tsim nyog tau yuav tsum:

- Tus neeg ua liaj ua teb tshiab, raws li hais tseg yog ib tug neeg uas:
 - Xav pib los sis tau pib ua liaj ua teb nyob rau 10 xyoo tag los.
 - Feem ntau ua hauj lwm ntau dua thiab tswj hwm daim liaj teb.
 - Muaj qee qhov kev paub thiab kev txawj ua liaj ua teb.
- Nyob hauv Minnesota.
- Ua liaj ua teb hauv lub xeev Minnesota.
- Tsis muaj teeb meem dab tsi hauv lub xeev Minnesota:
 - Tsis tshuav nyiaj se tsis tau them.
 - Tsis tau muaj npe phem hauv lub xeev Minnesota hauv xya xyoo tag los.
 - Tau kev coj zoo tag los nrog MDA cov kev pab nyiaj.
 - Ua raws nraim li lub xeev cov cai.

Tsuas yog cov neeg thiaj li muaj feem thov tau xwb. Ib daim ntawv thov rau ib lub chaw ua liaj ua teb xwb thiaj li muaj kev tso cai. Tus neeg thov yuav tsum tsim nyog tau raws li cov kev qhia saum toj no.

Cov neeg thov yuav muab tso rau lub sam xeeb yog hais tias:

- Tau nyiaj tsawg tshaj \$100,000 los ntawm txoj kev muag lawv cov khoom, raws li teev rau lawv daim ntawv se tshiab tshaj uas tau ua dhau los.
- Muaj cov pov thawj qhia txog kev tsis muaj peev txaus los txhawb lawv qhov lag luam ua teb, raws li tau sau tseg hauv daim ntawv cog lus xauj teb:
 - (1) nrog daim ntawv cog lus peb xyoo los sis luv dua los ntawm ib tug neeg uas tsis muaj kev txheeb ze rau tus neeg ua liaj ua teb, los sis tsis muaj kev txheeb ze nrog nws tus txij nkawm; los sis
 - (2) ntawm ib lub incubator farm.

Nws yog txoj cai ntawm Lub Xeev Minnesota kom muaj kev ncaj ncees kom zoo, muaj kev sib luag, thiab muaj kev tu yees ntawm kev sib tw cov nyiaj pab no. Qhov no suav nrog kev txhawb txhua haiv neeg thiab kev koom ntawm txhua tus rau qhov kev pab no. [Policy 08-02: Rating Criteria for Competitive Grant Review \(PDF\)](#) muaj cov nqe lus tseem ceeb txog txoj kev faib cov nyiaj rau txhua leej, tshwj xeeb rau cov haiv neeg uas raug cais vim txoj kev tsis ncaj ncees los sis raug kev saib tsis taus.

Cov nuj nqis uas tsim nyog txais kev pab rau

Los ntawm qhov kev pab no, cov neeg ua liaj ua teb tshiab yuav them taus:

- Cov cuab yeej uas tshwj xeeb rau kev yuav los sis xauj teb.
- Cov nuj nqi tsim kho daim teb.

“Tshwj xeeb rau kev ua liaj teb” txhais tau hais tias cov cuab yeej ntawd tsim nyog muaj thiaj li ua taus teb. Cov no muaj kev txuas rau cov khoom uas tsim nyog muaj tas li rau kev ua liaj teb, raws li cov piv txwv hauv qab no.

Piv txwv rau cov nuj nqis uas tsim nyog tau kev pab rau

Cov nuj nqis uas tsim nyog tau kev pab rau muaj xws li, tab sis tsis tag rau:

- Cov cuab yeej tshwj xeeb rau kev loj hlob ntawm cov qoob loo thiab kev loj hlob ntawm cov tsiaj txhuv, thiab cov khoom pab txhawm rau kev muag khoom. Suav nrog ntau yam khoom ntxiv, yog hais tias koj xav paub seb puas muaj kev tsim nyog rau ib qho khoom twg, thov tiv tauj rau tus neeg tso cai rau kev siv cov nyiaj pab.
- Khoom siv, cov dej num ua zog, muaj ntawv tso cai thiab lwm yam nuj nqis rau kev tsim kho xws li yuav lub qhov dej, cov khoom pab kev ywg dej, ua laj kab, muaj hluav taws xob, muaj chav txias, cov tsev ntsuab cog qoob loo, thiab lwm yam kev tsim kho txhawb nqa kev tu tsiaj txhuv los yog lwm yam.

Cov nuj nqis uas tsis tsim nyog tau kev pab

Cov nyiaj pab no yuav tsis pab rau:

- Tej yam khoom uas tsis cuam tshuam txog kev ua liaj teb, piv txwv xws li cov khoom siv tuav ntaub ntawv, computer, tablet los sis ib lub xov tooj ntawm tes, los yog tej yam uas tsis yog tsheb cav ua liaj teb.
- Kev tsim kho cov tuam tsev uas nyob ntawm thaj teb.
- Kev txuas cov cuab yeej los sis tsim kho cov tuam tsev txhawm rau txoj kev muag thiab ntim cov khoom. Yog xav tau cov kev pab txog qhov no, thaum mus saib [AGRI Value-Added Grant Program](#).

Cov nuj nqis uas tsis tsim nyog tau kev pab rau muaj xws li, tab sis tsis tag rau:

- Cov kev siv nyiaj ua ntej daim ntawv tso cai muaj kev kos npe los ntawm txhua tus neeg tshwj xeeb.
- Cov kev pub dawb, ua zog los sis cov kev pub nyiaj dawb rau lwm tus los ntawm tus neeg thov. (tab txawm hais tias tus neeg tau cov kev pub dawb no yog leej twg.)
- Cov nqi nplua them nyiaj, thiab lwm yam kev siv nyiaj settlement vim txoj kev tsis ua raws cai ntawm tus neeg thov nyiaj raws li tsoom fwv, lub xeev, los sis cov cai hauv lub zej zog los yog tribal nation.
- Kev lom zem, ua si, los yog cov kev ua si txhawb kev sib raug zoo, pub khoom plig, los yog tej yam nqi uas raug cov xwm txheej zoo li ntawd. (xws li, yuav pib mus saib shows los sis cov kev ntaus nas kis las, mus noj mov, xauj tsev ua si, xauj tsev nyob, mus kev deb, haus dej caws, thiab tej yam paj tshab uas yuam nqi).
- Cov koob tsheej txhawb nyiaj, suav nrog cov campaigns txhawb nyiaj, kev thov khoom plig los sis pub npe rau tej yam khoom uas muaj nyiaj, thiab lwm yam kev siv nyiaj uas cuam tshuam txog tej yam khoom zoo li ntawd.
- Cov se, tsis suav nrog cov se rau cov khoom siv thiab cov kev pab.
- Cov kev tiv nuj tiv nqis uas phem, cov kev them nyiaj lig, cov nuj nqi uas dhau los ua kev tiv nqis, cov nuj nqi ntawm txoj cai lij choj, los sis cov nyiaj pab uas tseem tuav cia.
- Kev yuam cai ntawm kev nres tsheb los sis ua txhaum txoj cai tsav tsheb.
- Cov kev mus los txawv xeev thiab cov kev siv nyiaj. Minnesota yog lub xeev uas muab ntaus nqi hais tias yog lub haus paus nyob.

Yuav Thov Li Cas thiab Lub Sij Hawm Thov

Yuav thov li cas

Thov qhov Beginning Farmer Equipment and Infrastructure Grant los ntawm txoj kev siv MDA [ghov system thov hauv online](#).

- Yog tias koj yog ib tug neeg siv tshiab, koj yuav tsum tsim ib tug account ua ntej.
- Thaum koj nkag tau lawm, xaiv “Beginning Farmer Equipment and Infrastructure Grant.”
- Tiv tauj peb yog tias koj xav tau cov ntaub ntawv no hauv lwm hom ntawv.

Daim ntawv thov yuav tsum xa ua ntej **11:59 p.m. Central Time (CT) hnuv Thursday, Kaum Ib Hlis 21, 2024**. Koj yuav tau txais ib tsab confirmation email tom qab xa koj daim ntawv thov. MDA yuav tsis lav tej yam teeb meem cuam tshuam txog technical los sis logistical uas tshwm sim los ntawm kev xa xov, uas ua rau lawv tsis tau txais koj daim ntawv thov los sis lwm yam kev txuas lus ntxiv txog kev pab nyiaj. Nws yog lub luag hauj lwm ntawm tus neeg thov, los saib xyuas kom MDA txais tau koj daim ntawv thov thiab xyuas txog koj daim ntawv thov nyiaj pab. Thov hu rau MDA yog tias koj tsis tau txais ib tsab confirmation email tom qab koj xa daim ntawv thov.

Cov sij hawm tseem ceeb

Tuesday, Cuaj Hlis 24, 2024

Qhib lub sij hawm rau kev xa daim ntawv thov

Thursday, Kaum Ib Hlis 21, 2024, 11:59 p.m. CT

Hnuv kawg rau kev xa daim ntawv thov

Lub Ib Hlis 2025 (kwv yees)

Qhia rau cov neeg thov paub txog kev txiav txim

Lus nug

og koj muaj lus nug txog kev pab nyiaj los sis daim ntawv thov, thov xa lawv ua ntawv sau ua ntej 11:59 p.m. CT rau hnuv Tuesday, Kaum Ib Hlis 19, 2024, mus rau Emily Toner ntawm email beginning.farmer.grant.mda@state.mn.us.

Nco tseg: Cov neeg ua hauj lwm ntawm MDA tsis muaj cai los muab tswv yim los sis txheeb xyuas koj daim ntawv thov. Cov neeg thov uas mus thov los sis tau txais tswv yim los ntawm cov neeg ua hauj lwm uas tsis tau tso cai ntawm MDA yuav poob txoj cai tsim nyog tau txais kev pab nyiaj.

Yog xav tau kev pab nrog qhov system cuv npe online, xa email rau Emily Toner los sis hu rau nws ntawm 651-201-6034.

Cov lus qhia thiab tswv yim rau kev thov

- Siv cov lus yooj yim, uas yooj yim kom nkag siab. Sau rau cov neeg uas muaj kev paub zoo tab sis tej zaum yuav tsis nkag siab tob txog koj qhov liaj teb.
- Teb txhua lo lus nug kom txhij txhua.
- Xyuas dua [Daim Ntawv Ntsuam Xyuas Kev Thov Nyiaj Pab](#) uas muaj nyob hauv daim ntawv no vim nws yog kev ntsuam xyuas thiab piv rau lwm cov ntawv thov nyiaj pab.

- Xyuas kom koj cov nuj nqis muaj tseeb thiab tsuas yog suav cov khoom uas tsim nyog xwb. Ntxiv ib daim ntawv piav txog kev siv nyiaj kom ntxaws uas piav meej txog seb cov nyiaj yuav siv li cas. Muaj lus piav ntau dua yuav zoo dua li qhov tsawg.
- Peb yuav tsis txais cov ntawv thov uas xa lig.
- Thov ua ntawv thov kom ntxov kom koj muaj sij hawm txaus tau kev pab, yog koj xav tau kev pab nrog txoj kev xa daim ntawv thov. Qhov zoo tshaj yog xa koj daim ntawv thov yam tsawg kawg 24 teev ua ntej lub sij hawm xaus.

Daim Ntawv Ntsuam Xyuas Kev Thov Nyiaj Pab

Yes / No Kev Tsim Nyog

- Tus neeg thov yog ib tug tswv liaj teb tshiab (saib [Cov ntsiab lus](#)).
- Tus neeg thov yog ib tus neeg nyob hauv Minnesota.
- Tus neeg thov thaj liaj teb nyob hauv Minnesota.

Beginning Farmer Equipment and Infrastructure cov qauv ntsuam xyuas	Qhab nees muaj feem tau
<p>Cov Khoom Siv thiab Kev Txhim Kho Liaj Teb</p> <ul style="list-style-type: none"> • Kev xav tau cov khoom siv los sis kev txhim kho tau piav qhia meej. • Cov nyiaj thov yog rau cov cuab yeej los sis kev txhim kho tshwj xeeb rau liaj teb. 	15
<p>Kev Cuam Tshuam Rau Liaj Teb</p> <ul style="list-style-type: none"> • Kev siv cov nyiaj yuav pab txhim kho lub lag luam ua liaj teb kom loj heev, thiab muaj kev zoo dua qhov qub los ntawm kev hloov pauv no. (10 pts) • Tus neeg thov muaj kev piav tshwj xeeb thiab qhia siab txog kev nqis peev no, seb yuav cuam tshuam li cas rau lawv liaj teb, xws li kev kwv yees ntawm kev txhim kho, kev txo hauj lwm ua zog, los sis lwm yam kev hloov pauv ntsuas tau rau lawv liaj teb. (5 pts) • Cov nyiaj pab yog qhov tseem ceeb txhawm rau kom qhov project tiav. (5 pts) 	20
<p>Kev Ua Lag Luam Tsawg</p> <ul style="list-style-type: none"> • Lub liaj teb cov khoom muag tau tsawg tshaj \$100,000 toj ib xyoos. 	15
<p>Kev Nkag Mus Siv Thaj Av Ua Liaj Tsawg</p> <ul style="list-style-type: none"> • Tus neeg thov muaj kev nkag siv thaj av ua liaj tsis raws lub siab nyiam (saib Cov ntsiab lus) 	10
<p>Cov Nuj Nqis</p> <ul style="list-style-type: none"> • Muaj ib daim ntawv teev nyiaj thiab txhua yam nuj nqis muaj kev piav qhia meej. (5 pts) • Cov nuj nqis muaj pov thawj raws cov lus hais nqi los sis lwm yam nuj nqis. (5 pts) • Txhua qhov kev siv nyiaj yog rau cov cuab yeej thiab kev txhim kho rau liaj teb. (5 pts) 	15
<p>Txhua yam suav ua ke</p>	75

Pawg neeg tshuaj xyuas thiab tus thawj coj yuav tuaj yeem xam txog kev faib thoob plaws rau cheeb tsam, kev lag luam sib txawv ua liaj ua teb, tus neeg thov qhov keeb kwm ua tus tau txais nyiaj pab ntawm lub xeev, thiab kev muaj peev xwm ua tau cov hauj lwm no raws txoj kev txiav txim siab.

Daim Ntawv Thov Cov Ntsiab Lus thiab Lus Nug

Cov ntsiab lus

Tus neeg ua liaj **teb tshiab** – yog ib tug neeg uas:

- Xav pib los sis tau pib ua liaj ua teb nyob rau 10 xyoo tag los.
- Feem ntau ua hauj lwm ntau dua thiab tswj hwm daim liaj teb.
- Muaj qee qhov kev paub thiab kev txawj ua liaj ua teb.

Cov cuab yeej tshwj xeeb rau kev ua liaj teb – txhais tau hais tias yog cov cuab yeej uas tsim los ua ib qho hauj lwm ua liaj teb xwb. Qhov no sib txawv nrog cov cuab yeej uas xav tau los pa bua liaj teb. Ib lub tshuab cog qoob tshwj xeeb rau kev ua liaj teb, tab sis lub tsheb thauj khoom tsis muab kev ntaus nqi hais tias yog ib qho khoom tshwj xeeb, yeej vim hais tias, lub tsheb thauj khoom muaj kev siv txuas mus rau ntau yam ntxiv.

Kev nkag mus siv thaj av ua liaj tsawg – txhais tau hais tias ua liaj teb tsis muaj thaj av yog tus kheej ntiag tug thiab:

- (1) Tus neeg ntawd los sis tus neeg ntawd tus me nyuam xauj thaj av ua liaj teb, muaj daim ntawv cog lus tsis pub dhau tshaj peb xyos, los yog nws xauj ntawm ib tug neeg uas tsis txheeb tsis ze nws, tsis yog nws tus txij nkawm; los yog
- (2) Tus neeg ntawd xauj thaj av uas yog incubator farm. (raws li qhia hauv [2024 Minnesota Session Law](#))

Kev ua lag luam tsawg – txhais tau hais tias tus neeg muag khoom tsis tshaj \$100,000 toj ib xyoo rau xyoo se uas tshiab tshaj plaws. (raws li qhia hauv [2024 Minnesota Session Law](#))

Cov lus nug ntawm daim ntawv thov

Cov ntaub ntawv tiv tauj thiab txog thaj liaj teb

- Lub npe ntawm tus neeg thov
- Lub npe ntawm thaj liaj teb (yog tias muaj)
- Chaw nyob ntawm lub liaj teb
- Chaw nyob xa ntawv (yog tias txawv ntawm lub liaj teb chaw nyob)
- Lub county
- Tus xov tooj
- Tus email

- Piav txog koj thaj liaj teb: (txwv tsis pub tshaj 800 tus ntawv)
- Koj cog cov qoob loo los sis yuav npaj cog dab tsi?
 - Barley
 - Taum, cov noj tau
 - Tshuaj Xas
 - Pob kws, pob kws teb
 - Pob kws, pob kws qab zib
 - Hay

- Qoob loo lag luam
- Txuj lom
- Paj
- Txiv hmab txiv ntoo
- Tshuaj ntsuab kho mob
- Qoob loo chiv
- Oats
- Cov taum pauv
- Sugar beets
- Sunflower
- Tree nuts
- Nplej
- Zaub
- Lwm yam (thov teev npe):
- Tsis cog qoob loo
- Koj yug tsiaj los sis yuav npaj yug dab tsi?
 - Muv/zib ntab
 - Nyuj/ me nyuam nyuj
 - Ua mis nyuj
 - Tshis
 - Npua
 - Qaib/qe
 - Yaj
 - Lwm Yam (thov teev npe):
 - Tsis yug tsiaj
- Koj muag koj cov khoom cog rau qhov twg? (Tsis pub tshaj 400 tus ntawv)

Kev tsim nyog tau

Thov paub meej tias cov lus hauv qab no siv tau rau koj thiab los sis koj lub lag luam/koom haum.

Tus neeg thov yuav tsum yog ib tus neeg ua liaj ua teb tshiab, uas txhais tau hais tias nws yog ib tug neeg uas::

- Xav pib los sis tau pib ua liaj ua teb nyob rau 10 xyoo tag los.
- Feem ntau ua hauj lwm ntau dua thiab tswj hwm daim liaj teb.
- Muaj qee qhov kev paub thiab kev txawj ua liaj ua teb.

- Kuv pib ua liaj ua teb tsis tau dhau 10 xyoo los. (Yog)
 - Xaiv lub xyoo uas koj pib ua liaj ua teb. (dropdown)
- Feem ntau kuv yog tus ua hauj lwm thiab tswj hwm lub liaj teb. (Yog)
 - Teem cov feem pua ntawm kev ua hauj lwm thiab kev tswj hwm uas koj muab rau lub liaj teb. (Sau tus zauv)
- Kuv muaj qee yam kev paub thiab kev txawj ua liaj ua teb. (Yog)
 - Piav luv luv txog koj txoj kev paub thiab kev txawj ua liaj ua teb. (txwv tsis pub tshaj 200 tus ntawv)
- Kuv nyob rau hauv lub xeev Minnesota. (Yog)
- Cov hauj lwm no yog ua rau ib daim liaj teb uas nyob rau hauv lub xeev Minnesota, suav nrog nws cov tribal langs. (Yog)

- Kuv/Peb tsis tshuav nqi se them rau lub Xeev Minnesota thiab yeej tsis muaj npe phem teev rau hauv lub Xeev Minnesota cov ntawv nuj nqi nyob rau xya lub xyoo tag los. (Yog)
- Kuv lub lag luam ua liaj teb yeej ua raws nraim li cov cai lub xeev teev tseg. (Yog)
- Kuv cog lus hais tias kuv muaj kev tso cai los sawv cev thov tam lub lag luam/koom haum thiab yeej tsis muaj lwm yam ntawv thov rau daim liaj teb ntawm no. (Yog)
- Kuv cog lus hais tias cov neeg uas ua hauj lwm rau daim liaj teb no, uas muaj kev tso cai, tsis muaj cov keeb kwm muaj txim txhaum cuam tshuam txog nyiaj txiag hauv 10 xyoo dhau los. (Yog)
- Kuv nkag siab hais tias yog kuv tau kev tso cai rau kuv daim ntawv thov, lub MDA yuav tsis tau thim nyiaj rov qab rau cov nqi los sis yuav tsis them nyiaj hauj lwm rau txhua yam uas tau u aua ntej daim ntawv cog lus muaj kev pib (kws yees pib rau lub Ib hlis 2025). (Yog)
- Koj puas yog ib tug neeg ua hauj lwm rau MDA los sis yog ib tug txheeb ze ntawm ib tug neeg ua hauj lwm rau MDA. (Yog los sis Tsis yog)
 - Yog hais tias yog, thov qhia me txog tus neeg ntawd lub luag hauj lwm nrog MDA thiab seb puas muaj dab tsi cuam tshuam txog koj daim teb.

Txoj kev xav tau cov cuab yeej ua liaj teb thiab cov kev tsim kho liaj teb

- Kuv thov rau: (xaiv ib qho) Kev pab nyiaj me (mus txog \$5,000) Kev pab nyiaj ntau tshaj (mus txog \$20,000)
 - *Yam tsawg kawm ib nrab ntawm cov nyiaj pab yuav muaj faib rau cov neeg thov kev pab nyiaj me.*
- Cov nyiaj pab uas tau thov. (Yam tsawg tshaj \$1,000, yam ntau tshaj yog \$20,000)
- Piav txog cov cuab yeej los sis cov kev tsim kho uas koj cia siab yuav tau yog koj txais tau nyiaj pab. (tsis pub tshaj 1,200 tus ntawv)
- Hnub kws yees yuav pib siv cov nyiaj pab. (Tsis pub ua ntej lub Ib hlis 2025)

Kev cuam tshuam rau liaj teb

- Piav qhia seb cov nyiaj pab no yuav txhawb tau thiab yuav kho tau dab tsim zoo rau lub hom phiaj ntawm koj lub lag luam ua liaj teb rau yav pem suab. (tsis pub tshaj 1,000 tus ntawv)
- Muab ib los sis ntau qhov kev ntsuas txiaj ntsig ntawm kev siv nyiaj rau cov cuab yeej thiab cov kev tsim kho rau koj daim liaj teb. Piv txwv kev ntsuas muaj xws li: cov nqi kwv yees tau peev, cov kev kwv yees rau kev ua zog, los sis lwm yam kev hloov. (tsis pub tshaj 500 tus ntawv)
- Piav txog qhov tsim nyog yuav tsum tau nyiaj pab cuam los ua tiav qhov project no. Yog tias muaj, sau tseg seb lwm qhov nyiaj thiab cov kev pab cuam twg uas yuav siv ntxiv ntawm qhov nyiaj pab cuam no. Tsis xav kom muaj cov nyiaj sib phim. (tsis pub tshaj 500 tus ntawv)

Cov neeg thov uas nyob rau lub sam xeeb

Txog daim av uas koj siv ua teb:

- Koj puas tau ua teb? Y/N
- Yog tsis tau, thov piav seb koj npaj yuav ua teb li cas rau yav tom ntej.
- Koj puas yog tus tswv ntawm daim av uas koj ua teb? Y/N
- Koj puas xauj daim av ua teb? Y/N
 - Yog tias koj xauj daim av ua teb, koj daim ntawv xauj puas yog xauj rau peb xyoos los sis tsawg dua, thiab tus neeg xauj rau koj puas yog txheeb ze rau koj, los yog koj tus txij nkawm? Y/N

- Koj daim teb puas yog ib daim incubator farm? Y/N
- Puas muaj lwm yam ntaub ntawv koj xav qhia los sis piav ntxiv txog qhov koj kev siv daim av ua teb? (tsis pub tshaj 400 tus ntawv)

Xyoo 2023, koj cov khoom ua teb muag puas tau ntau tshaj los sis tsawg tshaj \$100,000? Y/N

- Yog tsis tau, tau muag koj cov khoom tau pes tsawg?

Cov nyiaj txiag

Sau daim ntawv teev nyiaj txiag thiab qhia txog cov nuj nqis uas yuav muaj feem tau kev pab nyiaj them. Daim ntawv teev cov nqi yuav tsum raug cov nyiaj pab cuam.

Khoom	Pes tsawg	Nqi	Nqi tag nrho	Cov nyiaj kwv yees
---	---	---	---	---
---	---	---	---	---
---	---	---	---	---
(Muaj 20 kab sau rau daim ntawv teev nyiaj txiag)	---	---	---	---

Kev qhia txog cov nyiaj txiag

Piav qhia txog hais tias yog vim li cas txhua cov nuj nqis uas teev rau daim ntawv teev nyiaj thiaj li tsim nyog, txhawm rau kev yuav cov cuab yeej ua teb thiab tsim kho liaj teb. (tsis pub tshaj 1,200 tus ntawv)

Yav tag los koj puas tau thov nyiaj pab cuam los ntawm lwm yam kev pab rau tej lub hom phiaj uas muaj kev sib xws zoo ib yam lub no? (Yes/No)

- Yog tau lawm, thov sau txog qhov kev pab cuam ntawd, lub hom phiaj ntawm qhov kev pab, tau txais lub sij hawm twg, thiab seb koj tau txais pes tsawg.

Kev Saib Xyuas Daim Ntawv Thov thiab Kev Xaiv

Cov txheej txheem ntawm kev saib xyuas

Ib pab pawg tsim los ntawm MDA cov neeg ua hauj lwm thiab lwm tug neeg sab nrauv yuav saib xyuas thiab soj ntsuam txhua cov ntawv thov kom tag, raws li cov nqe lus nyob rau hauv [Daim Ntawv Ntsuam Xyuas Kev Thov Nyiaj Pab](#). Cov neeg saib xyuas muaj cai tso cai kom cov neeg thov tau ib feem ntawm cov nyiaj pab, los sis tag nrho raws li qhov tso cai los txhawb lawv qhov project. Tus thawj coj ntawm kev cog qoob loo yuav tshuaj xyuas cov lus tawm tswv yim ntawm pab pawg thiab mam li txiav txim raws li qhov nws pom zoo. Pab pawg thiab tus thawj coj yuav tau xam txog kev faib cov nyiaj raws qhov chaw nyob, kev sib npaug rau txhua haiv neeg thiab seb puas muaj kev tsim nyog txhawm rau kev cog qoob loo, tus neeg thov qhov keeb kwm, thiab los ntawm lub peev xwm uas tau cov hauj lwm teev tseg.

Peb mam li xa ntawv qhia txog txoj kev txiav txim rau cov neeg thov, tab txawm lawv yuav tau cov nyiaj pab los sis yuav tsis tau. Cov neeg thov muaj feem thov cov ntawv soj ntsuam thiab cov ntawv sau los ntawm pab pawg coj los saib.

Kev sib cuam tshuam

Cov kev cai ntawm cov nyiaj pab ntawm lub xeev yuav tsum tau muaj cov kauj ruam thiab txheej txheem los tiv thaiv kev sib cuam tshuam ntawm ib tug neeg twg thiab koom haum, ob qho tib si uas hais txog cov neeg thov thiab cov neeg tshuaj xyuas ([MINN. STAT.16B.98](#) thiab [Conflict of Interest Policy for State Grant-Making, 2022 \(Word\)](#)).

Ntawm cov xwm txheej uas muaj kev xav tias yuav muaj kev cuam tshuam, muaj kev qhia tawm, los sis tau tshawb nrhiav pom, tus neeg thov los sis tus neeg tau qhov nyiaj pab yuav raug ceeb toom thiab yuav raug foob, suav nrog thiab tsis tas rau, kev thim tsis pom zoo tau qhov nyiaj pab mus ntxiv los sis txwv rhuav tshem daim ntawv cog lus txais nyiaj pab.

Cov ntaub ntawv ntiag tug thiab kev txheej cov ntaub ntawv

Cov ntaub ntawv uas tus neeg thov tau muab yuav siv los tshawb xyuas seb tus neeg thov puas tsim nyog tau txais cov nyiaj pab cuam no. Kev txiav txim siab thov cov nyiaj pab cuam no nyob ntawm yus tus kheej yeem xwb, thiab tsis muaj ib txoj cai li choj twg yuav yuam kom cov neeg thov yuav tsum muab cov ntaub ntawv raws li teev tseg. Cov neeg thov muaj cai thim txoj kev thov nyiaj no txhua lub sij hawm, yam tsis raug teeb meem dab tsi los ntawm txoj cai li choj. Cov ntawv thov uas ua tiav thiaj li muaj feem raug tshuaj xyuas nkaus xwb xam rau cov nyiaj pab; cov ntawv thov uas ua tsis tiav yuav tsis muaj feem raug xaiv.

Cov ntaub ntawv uas muab nyob rau daim ntawv thov no yuav raug txheej cia raws txoj cai Minnesota Government Data Practices Act cov ntawv private los sis nonpublic, tab txawm hais tias tom qab kev tso cai, cov ntaub ntawv yuav raug nthuav dhau los ua public yog tsis muaj kev txwv txiav raws li txoj cai hauv xeev los sis tsoom fwv. Cov kev tshawb xyuas cov ntaub ntawv private thiab nonpublic tsuas pub rau cov neeg uas tau kev tso cai raws txoj cai li choj saib xwb, tsis yog rau MDA cov neeg ua hauj lwm los sis lwm tug neeg muaj ntawv cog lus saib xyuas xwb. Lwm tus neeg xws li, cov neeg muaj kev tso cai los ntawm tsev hais plaub, Minnesota

Management and Budget, Minnesota Department of Administration, tus neeg tshawj xyuas nyiaj txiag ntawm lub xeev, thiab tus neeg tshawj xyuas kev cai li choj ntawm lub xeev los yeej saib tau. Yog tsim nyog, MDA tuaj yeem muab tau cov ntaub ntawv no rau tub ceev xwm los sis lub Office of the Attorney General saib ib yam nkaus thiab.

Raws li txoj cai li choj ntawm kev muaj nyiaj pab ([MINN. STAT. 13.599](#)):

- Cov npe thiab chaw nyob ntawm cov neeg thov nyiaj pab cuam, thiab cov nyiaj uas tau thov, yuav dhau ua ntaub ntawv pej xeeem thaum txog lub sij hawm teb cov ntawv thov lawm.
- Tag nrho cov ntaub ntawv uas nyob rau hauv daim ntawv thov (tsuas yog cov ntaub ntawv uas raug cais raws li txoj cai, suav nrog cov ntaub ntawv zais ntawm kev ua lag luam, saib hauv qab no) yuav dhau los ua ntaub ntawv pej xeeem tom qab txoj kev ntsuam xyuas tiav lawm (rau qhov nyiaj pab cuam no, yog thaum cov ntawv cog lus nyiaj pab tiav tag nrho).
- Tag nrho cov ntaub ntawv uas MDA tsim los sis tuav raws li ib feem ntawm txoj kev xam xyuas (tsuas yog cov ntaub ntawv zais ntawm kev ua lag luam, saib hauv qab no) yuav feem ntau dhau los ua ntaub ntawv pej xeeem tom qab txoj kev ntsuam xyuas tiav lawm.

Txheej txheem tiv thaiv cov ntaub ntawv zais ntawm kev ua lag luam:

Cov ntaub ntawv zais ntawm kev ua lag luam raug cais tias yog cov ntaub ntawv tsis pub rau pej xeeem. Txhawm rau kom tsim nyog raws li cov ntaub ntawv zais ntawm kev ua lag luam, cov ntaub ntawv yuav tsum muab rau MDA los ntawm tus neeg muaj feem xyuam (piv txwv, cov ntaub ntawv yuav tsum yog hais txog tus neeg thov) thiab yuav tsum raws li cov lus txhiaj txhais ntawm txoj cai lij choj ([MINN. STAT. 13.37, subd. 1\(b\)](#)). Txhawm rau kom tus neeg thov tau lees paub tias cov ntaub ntawv uas tau xa tuaj no yog cov ntaub ntawv zais ntawm kev ua lag luam, tus neeg thov yuav tsum: 1) qhia kom meej txog cov formula, qauv, kev sib sau ua ke, khoos kas, cuab yeej, cov hauv kev los sis txheej txheem uas tus neeg thov ntseeg tias yog cov ntaub ntawv zais ntawm kev ua lag luam; 2) piav qhia txog cov kev siv zog uas tus neeg thov ua los khaws cov ntaub ntawv no zais cia no; thiab 3) piav qhia kom ntxaws tias cov ntaub ntawv no muaj nqis li cas rau kom kev lag luam ywj pheej, thiab kom tsis yooj yim tau los ntawm lwm tug neeg. Txoj hauv kev hais tias cov ntaub ntawv yog ntaub ntawv zais ntawm kev ua lag luam tsis txhais tau hais tias cov ntaub ntawv ntawd yeej tsis yog ntawv pej xeeem; txoj kev xws xam tias cov ntaub ntawv yog ntawv zais los ntawm MDA. Tsis tas li ntawd, MDA tsis muaj peev xwm lav tau tias cov ntaub ntawv uas tus neeg thov qhia yog cov ntaub ntawv zais lag luam thiab yuav raug cais. Yog MDA txiav txim tias cov ntaub ntawv ntawd tsis tsim nyog zais rau kev ua lag luam, cov ntaub ntawv yuav raug muab rau pej xeeem saib, yog tus neeg thov tsis muaj ntawv los ntawm tsev hais plaub los cav tau nqe lus ntawd.

Txhua tus neeg, lag luam, thiab cov tib neeg uas thov nyiaj pab hauv lub xeev Minnesota yuav tsum ua raws li txoj cai teev tseg. Raws li txoj cai hu ua Right of Setoff ([MINN. STAT. 270C.65, subd. 3](#)), tus neeg tau txais nyiaj pab cuam lees paub tias lawv tso cai rau kev qhia tawm lawv tus zauv social security, zauv txiav se ntawm tsoom fwv, thiab/los yog Minnesota tus zauv txiav se uas twb muab rau lub xeev lawm, mus rau cov chaw saib xyuas se hauv tsoom fwv thiab lub xeev, thiab mus rau cov neeg ua hauj lwm hauv lub xeev uas koom nrog kev them cov nuj nqi ntawm lub xeev. Cov zauv no yuav siv tau rau kev yuam ua raws li tsoomfwv thiab lub xeev txoj cai lij choj se uas yuav ua rau tus neeg tau txais nyiaj pab cuam yuav tsum xa daim ntawv se ntawm lub xeev thiab them cov nuj nqi se uas tau tshuav, yog tias muaj.

Cov Kev Cai Rau Cov Neeg Tau Nyiaj Pab

Kev tshuaj xyuas rau kev phom sij ua ntej tso cai txais cov nyiaj pab

Nyob rau kev sib tham txog txoj cai li choj rau xyoo 2023, Minnesota Legislature tau pom zoo hloov cov cai tshiab txog kev tswj hwm cov nyiaj pab (Laws of Minnesota 2023, chapter 62, article 7, section 11). MDA muaj cai kho cov kev xav tau txog kev tshuaj xyuas nyiaj txiag ua ntej muab nyiaj pab rau ib leeg twg.

Yog tias MDA pom tau hais tias, tus neeg tau txais nyiaj pab cuam muaj kev phom sij loj txog cov nyiaj txiag thiab nws yuav cuam tshuam nws lub peev xwm los ua cov dej num hauv daim ntawv cog kom tiav, MDA yuav thov cov ntaub ntawv ntiv los txo kev txhawj xeeb. Nws yuav tsim ib txoj kev npaj txo cov kev phom sij no los tiv thaiv lub xeev, los sis tsis pub tus neeg tau cov nyiaj pab. Cov neeg thov yuav tsum ua raws [Policy 08-06: Policy on Pre-Award Risk Assessment for Potential Grantees \(PDF\)](#), thiab yuav tau xa cov ntaub ntawv muaj feem xyuam rau lawv lub koom haum.

Kev pom zoo thiab kev them ntawm qhov nyiaj pab

Qhov qauv ntawm daim ntawv cog lus txog qhov nyiaj pab muaj nyob rau ntawm qhov webpage [Office of Grants Management Forms and FAQs](#).

Tom qab daim ntawv thov tau kev pom zoo thiab ua ntej cov hauj lwm txhawb qhov project tshwm, tus neeg thov yuav tsum:

- Ua kom tiav daim IRS W-9 los sis cuv npe ua tus vendor hauv SWIFT, lub system suav nyiaj ntawm lub xeev, los sis lees meej tias cov ntaub ntawv hauv SWIFT tseem raug li qhov muaj.
- Cov neeg tau txais nyiaj pab tuaj yeem txiav txim siab seb puas xav kom cov nyiaj muab rau tus neeg thov nyiaj los sis lub koom haum ua teb.
- Yog tias xav tau lwm yam ntaub ntawv ntiv, xa mus tsis pub dhau 30 hnuv txij hnuv uas tau pom zoo txais qhov nyiaj pab.
- Xa cov ntaub ntawv los ua raws cov kev cai tshuaj xyuas nyiaj txiag ua ntej muab nyiaj pab.
- Kos npe rau daim ntawv cog lus nyiaj pab kom qhia lawv lub hom phiav yuav ua tiav cov dej num tau hais tseg. Daim ntawv cog lus no kuj tseem tso cai rau MDA saib xyuas qhov kev nce qib ntawm qhov project. Daim ntawv no yuav tsum tau kos npe tsis pub dhau 30 hnuv tom qab xa mus rau tus neeg tau txais nyiaj pab.

Nuj nqis ua tsim nyog tau nyiaj pab them rov qab, yuav tsum yog muaj tom qab tau kos npe ntawm txhua leej ua koom tes rau daim ntawv cog lus. Daim ntawv cog lus yuav tsum tsis txhob dhau ob xyoo tom ntej thiab tsis muaj feem tauj sij hawm.

Nco tseg: Cov nyiaj pab cuam yuav faib los ntawm kev thim nyiaj rov qab. Txhua tus neeg thov cov kev thov them nyiaj rov qab, cov nuj nqis yuav tsum phim cov nqi ceev rau daim ntawv teev nyiaj txiag. Txhawm rau kom tau txais cov nyiaj pab, tus neeg tau nyiaj pab yuav tsum muab pov thawj teev txhua yam kev txhawb qhov project, xws li khaws cov receipt yuav khoom, cov nqi invoices, thiab pov thawj tias cov neeg muag khoom tau raug them nyiaj lawm.

Lub luag hauj lwm thiab kev qhia tawm

Daim ntawv cog lus nyiaj pab cuam tso cai rau MDA saib xyuas qhov kev nce qib ntawm qhov project. MDA yuav mus xyuas tau cov neeg tau txais nyiaj pab uas tau txais \$25,000 los sis ntau dua, ua ntej muab kev them nyiaj ua zaum kawg. Lwm tus neeg tau txais nyiaj yuav raug mus xyuas raws li MDA qhov kev txiav txim siab.

Tag nrho cov nuj nqis uas tau pom zoo yuav tsum xa nrog cov ntawv pov thawj yuav khoom thiab kev them nyiaj, tshwj tsis yog hais lwm yam. Txhawm rau lub hom phiag no, tus neeg tau txais nyiaj yuav tsum muab cov ntawv receipts, ntawv teev sij hawm ua hauj lwm ntawm cov neeg ua hauj lwm, invoices, thiab lwm yam ntaub ntawv txhawb nqa uas lub xeev tau thov.

Tus neeg tau txais nyiaj yuav tsum xa ib daim ntawv tshaj tawm txhua xyoo rau txhua xyoo ntawm kev pab nyiaj, thiab lub sij hawm kawg rau daim ntawv tshaj tawm yuav muaj nyob hauv daim ntawv cog lus nyiaj pab. Daim ntawv tshaj tawm kawg yuav tsum xa ua ntej tau txais kev them nyiaj kawg. Cov ntawv tshaj tawm txhua xyoo thiab cov ntawv tshaj tawm kawg yuav tsum muaj ib daim ntawv nthuav qhia txog cov txiaj ntsig ntawm qhov project, kev cuam tshuam ntawm qhov program nyiaj pab, thiab peb mus rau tsib daim duab ntawm qhov project. MDA muaj cai hloov cov kev cai qhia ntawv thaum lub sij hawm project. Cov ntaub ntawv xa rau hauv ib daim ntawv tshaj tawm los sis daim ntawv ntsuam xyuas yuav yog ntaub ntawv pej xeev.

Cov ntaub ntawv qhia tom qab yog siv los pab peb nkag siab txog cov kev cuam tshuam uas muaj nyob ntev ntawm qhov nyiaj pab. Cov neeg uas tau qhov nyiaj pab yuav tsum teb cov ntaub ntawv no li peb xyoos tom qab qhov nyiaj pab tau tas sij hawm. Yog koj tsis teb raws sij hawm nws yuav cuam tshuam koj txoj kev thov nyiaj pab tom ntej los ntawm MDA.

Kev tshawb xyuas qhov hauj lwm

Raws li txoj cai lij choj ([MINN. STAT. 16B.98, subd. 8](#)) lub koom haum tau nyiaj pab thiab tus neeg tshawb xyuas kev cai lij choj, los sis tus neeg tshawb xyuas nyiaj txiag hauv lub xeev, muaj cai tshawb xyuas tej phau ntawv sau, ntawv teev tseg, tej ntaub ntawv, txheej txheem sau nyiaj thiab kev xyaum los ntawm tus neeg tau qhov nyiaj pab, los sis tus neeg muaj feem xyuam rau qhov nyiaj pab. Tsab cai no yuav muaj nyob yam tsawg kawg nkaus, rau lub xyoo tom qab daim ntawv cog lus xaus, los sis tom qab tau daim receipt kawg, thiab tom qab tau txais daim ntawv tshaj tawm kawg raws li txoj cai hauv lub xeev los yog txoj cai ntawm qhov program.

Lwm yam nqe lus yuav tsum ua raws nraim

Cov cai rau kev sib tw yuav khoom

Cov neeg thov tau nyiaj pab yuav tsum tau ua raws li lub xeev cov cai sib tw yuav khoom rau tej yam uas yuav loj. Saib daim ntawv teev txog [kev sib tw yuav khoom](#) yog xav paub kom ntxaws dua.

Kev tshaj tawm khu xaj nas

Txhua yam project uas tau cov nyiaj pab yuav tsum muaj dej siab rau lub Minnesota Department of Agriculture, thiab lees txais tias kev pab los ntawm nws rau hauv tus neeg tau nyiaj pab qhov website, yog ua tau.

Txoj cai ua hauj lwm kom ncaj ncees thiab tsis pub muaj kev ntsub ntxaug

Tus neeg tau qhov nyiaj pab pom zoo tias lawv yuav tsis ntsub ntxaug ib tug neeg ua hauj lwm los sis tus neeg thov hauj lwm vim lawv hom haiv neeg, tawm nqaij, kev ntseeg, kev teev ntuj, keeb kwm teb chaws, txawn nws yog poj niam txiv neej, muaj xwm txheej li cas rau kev sib yuav, xwm txheej kev pab pej xeem, kev ua tswv cuab los sis kev ua hauj lwm hauv lub koom haum hauv zos, kev xiam oob qhab, nws qhov kev xav txog sexual orientation, los sis hnuv nyoog txog tej hauj lwm uas tus neeg ua hauj lwm los sis tus neeg tsim nyog thov hauj lwm ([MINN. STAT. 363A.02](#)). Tus neeg tau qhov nyiaj pab pom zoo yuav ua txhua kauj ruam kom muaj kev ncaj ncees hauv lub chaw ua hauj lwm, xws li txhawb nqa hauj lwm, nce qib, cob qhia, thiab txias neeg ua hauj lwm los ntawm cov haiv neeg uas tsawg, txais poj niam ua hauj lwm, thiab cov neeg muaj kev xiam oob qhab.

Tus neeg tau qhov nyiaj pab yuav tsum tsis txhob muaj kev ntsub ntxaug rau ib tug neeg ua hauj lwm los sis tus neeg thov hauj lwm vim yog kev xiam oob qhab ntawm lub cev los sis lub hlwb. Tus neeg tau qhov nyiaj pab yeej pom zoo ua cov kauj ruam kom muaj kev ncaj ncees los ua hauj lwm, txhawb nqa hauj lwm, thiab txhob ntsub ntxaug cov neeg xiam oob qhab uas tsim nyog tau txoj hauj lwm ntawd. Nws txaus siab txhawb lawv txoj kev ua hauj lwm, kev nce qib, kev txo qib los sis kev hloov chaw, kev nrhiav neeg, kev tshaj tawm, kev tso hauj lwm los yog kev tshem tawm, kev them nyiaj los yog lwm yam kev them nqi, thiab kev xaiv rau kev cob qhia, suav nrog kev kawm ua hauj lwm ([Minnesota Rules, part 5000.3500](#)).

Tus neeg tau qhov nyiaj pab yeej pom zoo yuav ua raws li cov cai thiab cov lus txib uas tsim nyog ntawm Minnesota Department of Human Rights uas tau tawm los raws li [Minnesota Human Rights Act](#).

Cov cai cuv npe pov npav

Yog tus neeg tau qhov nyiaj pab sawv cev tam ib lub koom haum ua hauj lwm rau lub xeev, lub zej zog rau pej xeem, los sis ib lub koom haum pub dawb, lawv yuav tsum tau muaj cov kev pab cuam rau lawv cov neeg ua hauj lwm, txhawm rau kev pab cuv npe pov npav ([MINN. STAT. 201.162](#)).